

**Disputatio medica de icteritiae flavae theoria & therapia ... / M. Franciscus Ignatius Meyer.**

**Contributors**

Meyer, Franciscus Ignatius.

**Publication/Creation**

Basileae : Typis Georgii Deckeri, [1657]

**Persistent URL**

<https://wellcomecollection.org/works/k7dxe2kk>

**License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>

DISPUTATIO MEDICA

DE

# ICTERITIÆ

FLAVÆ THEORIA

& THERAPIA:

*Quam,*

*Ex Amplissimorum Inclytæ FACULTA-  
TIS MEDICÆ in Celeberrimâ RAV-  
RACORVM Academia PROCERVVM  
Jussu & Autoritate*

Pro DOCTORALIBVS in MEDICINA  
consequendis HONORIBVS  
& PRIVILEGIIS,

M. FRANCISCVS IGNATIVS MEYER,  
Lauffenbergensis Rauracus,

*Publicæ Mystrarum Apollineorum ventilationi  
submittit.*

Ad diem      Novembr. An. M DC LVII.

Loco & horis consuetis.

---

BASILÆ, Typis GEORGII DECKERI,  
Universitatis Typographi.



Reverendissimo & Amplissimo Domino,

D O M I N O

FRANCISCO,

Celeberrimi Monasterii S. Blasii

in Sylvâ Hereiniâ ABBATI, Domino Ditionum

Bondorff. &c. PRÆSVLI meo

observandissimo.



Reverendissime & Amplissime Dn. Præsul. Collegium Inctyæ Facultatis Medicæ Basileensis longè famosissimum, totoq; terrarum orbe celeberrimum pro supremis Honoribus, & Privilegiis Doctoralibus consequendis, has meas Theses & prælo & prælio Examinis publici subicere jussit, sine Præsulis præsidio quidem, sed non sine Præsulis Patrocinio: quocirca ad Tuos tam lucidi splendoris radios accurro; ausum meum exiguum licet Reverendissimæ Amplitudini Tuæ dedicare vilitas dehortarit, animavit tamen Benevolentia Tuæ Mansuetudo erga omnes, jusserunt innumera mihi, meisq; collata gratia. Patiatur igitur Reverendissimæ Amplitudo Tuæ has paginas in Benignitatis Tuæ Umbrâ commorari, quantumvis parvas, (quia quò minores sunt, eò majorem ad conspiciendū requirūt lucem) quas debito gratitudinis & submisso animo Do, Dedico, Deum Ter Optimum Maximum rogans, ut Monasterio, & subditis omnibus diu incolumem in Regimine felici conservare, immortalī deniq; vitâ donatum eternum beare, velit: Ita optat & vovet.

Reverendissimæ Amplitudinis Tuæ

Aeternum devotus Cliens

M. FRANCISCUS IGNATIUS MEYER,  
Medicinæ Candidatus.





## T H E S I S I.



**A**D depravatam, imminutam, vel <sup>Theoria.</sup> omnino abolitam excrementorum in hepate separationem, plura suboriuntur Symptomata: è quorum censu humor biliosus, & melancholicus, vel uterque simul mixtus, non ritè, vel omnino non segregatus atq; expurgatus, per totum corpus cum sanguine diffusus, affectum quendam constituit, qui propriè Icterus dicitur, varia licet sortiatur nomina.

### I I.

Græcis dicitur *ἰκτερίδι* à similitudine *τῆς ἰκτίδος* ani- <sup>Nomina.</sup> malculi habentis auricolores oculos: Latinis Icterus, Icteria. Quandoque Aurigo, ob coloris auri, & Arquatus, ob arcus cœlestis similitudinem, nominatur: interdum etiam à curandi modo Regius morbus appellatur.

### I I I.

Quonamcunque affectus hic nuncupetur nomine, trifarius <sup>Definitio.</sup> tamè distinguitur: Icterus citrinus sive flavus alter, alter niger, tertius viridis pronunciatur; primus est biliosi, secundus melancholici, & tertius utriusq; sibi invicem mixti, aut certè adusti biliosi humoris in cutem & summa corporis effusio. Sed quia posteriores duo rari satis sunt, de citrino solo prolixitatem evitanti quæstio veniet tractanda.

### I V.

Hujus ergò affectus, p. n. causa proxima existit effusio bilis <sup>Causæ.</sup>



per cutis exiguos poros; effusionis verò causa, sive remotior, triplex esse potest: prima est ipsius cholidochi folliculi vitium: 2. impedimentum viarum: 3. biliosi humoris pravitas.

#### V.

Vitium vesiculæ felleæ bifariè contingit, imbecillitate scilicet facultatis attractricis, & debilitate excretricis. Ad primum, biliosum humorem, sicuti consuevit, in se ex hepate non attrahit: ad alterum, propter repletionis, quæ relinquitur, multitudinem, ad intestina expelli nequit, excrementum, unde in lapillos, imò lapides indurari quandoque contingit.

#### VI.

Impedimentum viarum accidit modis quinque: obstructione, compressione, subsidentiâ, conniventiâ, & astrictione. Obstructio quidem fit, vel à pituitâ crassâ, lentâ & viscidâ; vel à bile crassâ, eâque copiosâ; vel denique à lapillis propter causam jam dictam concretis.

#### VII.

Compressio contingit à tumoribus vesiculæ felleæ vicinis, dum meatus illius inde angustantur, sive tumores hi deinde sint ab inflammatione, sive à Scirrho.

#### VIII.

Poris felleis atrophîâ laborantibus evenit subsidentia; sicut conniventia, si præcesserit ulcus: Adstrictio verò fit vel ab assumptis, vel ab admotis frigidis, stipticisque.

#### IX.

Pravitas humoris biliosi consistit in quantitate, & qualitate: In qualitate quidem, dum bilis ita à calore nimio incrassatur, ut meatus per quos expurgari deberet obstruantur.

#### X.

In quantitate verò peccat, dum ita bilis adaugetur, ut aut à naturâ regi, aut à massâ sanguinis secerni, aut etiam propter repletionem nimiam ad illius expulsionem vesica fellea sese contrahere non possit.

#### XI. Ni-



## XI.

Nimiùm autem bilis augetur, vel à causâ internâ vel externâ ; causa interna vel est mala hepatis diathesis, quæ varia existit, ut intemperies, inflammatio, obstructio, Scirrhus & quæcunque partem ità afficiunt, ut bilis excrementitia à sanguine non expurgetur. Vel est robur facultatis expultricis, bilem à profundo corpore ad peripheriam transmittentis, qualiter evenit in Ictero critico & Symptomático.

## XII.

Causa externa, sunt medicaméta, epota venena, aut morsus venenatus : medicamenta sunt cholagoga ferè omnia, quæ minori quantitate, quàm ut bilem expurgare possint, sumpta, ipsamet in bilem mutantur.

## XIII.

Ex epoto veneno, aut morsu venenato fit, dùm veneni vi sanguis totus pristinam suam amittit puritatem, & in citrinum, sive biliosum humorem corrumpitur, qui omnia pervadens cutim inficit, labefactatq;.

## XIV.

Ex hisce manifestum cedit, partem affectam, ut recipientem, semper esse cutim, ut mandâtem verò non semper unam *Pars affecta.* existere, sed pro varietate causarum hætenùs enumeratarum variari, ità ut modò jecur, modò vesica bilis, modò ipsius afficiantur meatus.

## XV.

Ictericitia est notissima : Signa enim per se manifesta sunt, *Diagnosis.* flavus utpote color in toto corpore, maximè autem in albis oculorum apparens ; hunc comitatur corporis pruritus & segnities, amarorq; linguæ, biliosus item quandoque vomitus, & singultus.

## XVI.

Positis Icteri causis, sequitur quâ arte conjecturandum sit, quænam ex tot & variis affligat causis : intermisissis tamen iis, quæ ipsius folliculi vitia concernunt ; rarissima enim sunt, & in eorum numero habenda, quæ cogitatione potius, quàm usu & eventis, deprehensa monstrantur.



## XVII.

Cognoscitur ergò calidior hepatis intemperies ( quæ plerumque mali hujus origo existit ) ex siti nimia, cibi que aliquali fastidio, febriculâ item cum urinis, & alvi dejectionibus, interdum etiam vomitu, biliosis simis.

## XVIII.

Inflammationem causam esse percipitur, dum propter magnum sanguinis incendium totum corpus biliosis perfunditur excrementis : urinæ, & alvi excrementa sunt flavâ bile tincta, febris concutit vehemens, variè faciei color mutatur, sitiunt ægri, & in jecoris regione gravantem percipiunt sensationem.

## XIX.

Signa autem, è quibus meatus ab hepate ad bilis cystim tendentis, obstructio eruitur, sunt: si Icterus repentè hominem sine febre, & magnâ corporis aut virium jacturâ, obruat; si dejectiones albidæ excernantur, urinæ crassescant, atque ad nigredinem penè rubescant; si dextro hypochondrio, sine conspicuo tumore sensus insit gravativus.

## XX.

Obstructionem viæ è folliculo ad intestina spectantis demonstrat Ileus, sive Colicus dolor: cum enim intestina sunt oppilata, ut in his affectibus contingit, regurgitans ad hepatis bilis per totum corpus cum sanguine diffunditur.

## XXI.

Per crisin biliosarum febrium fieri significatur, dum febricitante ægro repentè ac cumulativè die critico superveniens febrim terminaverit. Symptomaticum verò esse hunc affectum, febris biliosa præsens testabitur.

## XXII.

Ad inquisitionem causæ, provenientis ab assumpto medicamento, à potu veneno, aut virulento morsu, quod attinet; ex antecedentibus, aut ægrorum relatione potius, quàm signis aliunde petitis, depromuntur.

## XXIII. Enu-



### XXIII.

Enumeratis caularum inquisitionibus, Prognosis subse- *Prognosis.*  
quitur: quæ varia pro varietate caularum instituenda venit.  
Icteria igitur ex se lethale nihil significat, quæ ab obstru-  
ctione viarum, (modò non sit à calculo) à calidiore hepatis in-  
temperie, aut à robore facultatis exoritur.

### XXIV.

Attamen si procedat à morfu venenato, aut epoto veneno,  
aut à facultatis attractricis, expultricis ve debilitate, præfer-  
tim si calculus adsit, periculosâ: si quoque ab inflammatio-  
ne hepatis, aut Scirrho, ab illegitimâ item biliosarum fe-  
brium crisi, quæ, scil. ante diem septimum sine rigore con-  
tingat, plerumque ad lethum comitatur illærum.

### XXV.

Præter hæc, non extra periculum versantur ii, qui con-  
firmatâ laborant Icteriâ, neque curam ullam, ut materia  
expellatur, admiserunt; subito enim cor, alia' ve nobilis ali-  
qua pars opprimitur: Si tamen Urina diu fuit aquosa, etiam  
hydropis periculum timendum est.

### XXVI.

Magno tandem discrimine vexantur senes, qui pingues  
& obesi isthòc tentantur morbo; siquidem propter viscosam  
& crassam peccantem materiam, nunquam, aut certè rarò  
& difficulter curantur.

### XXVII.

Præmissis iis, quæ ad affectûs hujus Theoriam spectant; *Therapia.*  
Sequuntur ea, quæ Therapiam sive curationem concernunt.  
Curatio igitur cùm sit affectus causis adaptanda, monst-  
rans indicationibus est varianda.

### XXIX.

Debilitas vesiculæ felleæ à nimia ipsiusmet repletione ex- *Indicatio-*  
surgens, depletione sive evacuatione, per epicrasin factâ (ne *nes,*  
vires, quæ sui conservationem semper indicant, debilitentur)  
sublevanda.



## XXIX.

Impedimenta viarum sunt amovenda : obstructio quidem tolletur, si pituita crassa, lenta, viscida, aut bilis crassa & copiosa attenuetur, incidatur & evacuetur : Compressio indicat ablationem tumorum, subsidentia atrophiae correctio-  
nem.

## XXX.

Ratione Conniventiae propter siccitatem, quæ caliditati conjuncta est, indicantur frigida & humida : ratione adstri-  
ctionis laxantia, & humectantia.

## XXXI.

Ratione quantitatis, si ab intemperie hepatis oriatur, si-  
ve ea sit conjuncta inflammationi, sive non, ea est alteran-  
da, & quantitas deinde minuenda. Sed hæc omnia è tripli-  
ci Therapiæ exhaustiunda fonte veniunt, pharmaciâ nempe,  
Chirurgiâ & Diætâ.

## XXXII.

*Pharmacia.* Pharmacia itaque præparantia primùm porrigit, pericu-  
lo enim non vacat bilem antè præparationem educere; ta-  
lia sunt decoct. hord. lactuc. portulac. nymph. viol. pur-  
pur. observatâ subjecti dispositione ab ℥iiij ad ℥viiij, circiter  
sumpta : hæc efficaciora sunt, si iis suc. berber. granat. acidor.  
ribes. omphacii benè depurati ab ℥j ad ℥ij circiter addatur.

## XXXIII.

Præparatus deinde humor expurgari debet cholagogis  
quibuscunq; si simplicibus sive compositis; simplicia sunt :  
rheum barbar. monachor. cassia rec. extract. manna calabr.  
pulpa tamarind. aloë non lot. dulcamar. diagrid. passul. cen-  
taur. min. fol. fennæ, &c.

## XXXIV.

Ex his varia parari possunt composita, quæ si lenientibus  
sui generis misceantur faciliora redduntur : quale & hoc esse  
potest : ut ℞. passular. ℥β prunor. dulc. (probè tamen à dul-  
cibus, præsertim Saccharatis & mellitis abstinendum, quia  
facile



facile in bilem mutantur) par. iiii centaur. min. ʒij femin. fenicul. ʒi aq. hord. vel com. ʒviiij f. decoctio lento igne ad consumptionem medietatis, & facta colatura exhibeatur pro potu.

### XXXV.

Si magis placeant boli, sic parabuntur R̄. rad. hippolapath. pulv. ʒj flor. centaur. minor. ʒß pulpæ passular. ab acinis expurgat. aut robprunor. inspissat. ʒvj gr. vj M. F. bolus.

### XXXVI.

Clysteres item hîc locum habere possunt præsertim lenientes, qui parantur ex Juris carniū t̄bj ol. olivar. vel femin. lini, sacchari rub. ana ʒiiij sal. com. ʒj M. Vel R̄. decoct. mercurial. malvæ, betæ furfur. ana t̄bj succ. braslic. vel mellis, vel suc. betæ ʒij salis com. ʒj M. pro Clystere.

### XXXVII.

Si opus sit emollitione insigni uti in tenaciori obstructione meatus à cystide ad intestina vergentis contingit, augeatur quantitas olei ad ʒiiij vel vj, vel oleo omissa augeatur quantitas decoctionis factæ cum malva, althæa, brac. ursin. fortiter expressa.

### XXXVIII.

Refrigerandi vim, si eâ opus sit, tribuent folia violæ purp. parietur, & hordeum decoctioni addita: si languida sit facultas expultrix, duplicetur quantitas salis, aut omninò triplicetur.

### XXXIX.

Ita vel similiter corpore exquisitè purgato omnibus modis attentandum est, ut ad causam deveniatur eradicandam: si itaque ab obstructione viarum procedat, conveniens medium erit jus galli antiqui alterati, de quo sumi poterit singulis diebus manè ab ʒvj ad viij.

### XL.

Alteratur autem iis quæ vim obtinent alterandi incidenti, & digerendi, veluti sunt erythrodanon, pentaphyll. ca-



pil. Ven. rad. asparag. filic. mar. fenicul. petroselin. borag.  
agrimon. ceterah. cappar.

#### XL I.

Juri huic accedere potest vinum chalybeatum; sed intelligatur illud, cui Mars spagiricè præparatus, omnibusq; in officinis proftas linteo mundo infusus impenditur: illud enim, in quo scilicet chalybs ignitus fuit, extinctus astringit potius, quàm adaperit.

#### XL II.

A' calidiore hepatis intemperie Ictero orienti occurritur refrigerantibus, & detergentibus medicamentis, quale & hoc est: R. feri caprill. (cum carthamo aut tamarindis coagulat.) ℥j β Suc. endiviæ ℥j suc. solatri ℥iij aq. absynth. ℥β berberor. Santal. alb. aloës succotr. ana ℥j. rhei elect. spicæ ana ℥j. Terenda subtilissimè terantur & ad vas vitreum vel ad vitreatum omnia simul misceantur, de quo singulis diebus manè coletur & bibatur ad ℥iij cum julep aut mel rosat. ℥jβ.

#### XL III.

Cura Ictericæ à morfu venenato, aut epoto veneno, vel etiam à legitimâ biliofarū febrium crisi exortæ, per diaphoretica instituenda: in hac quidem non multum referre videtur, quomodocunque sudor è præparato ac purgato corpore proliciatur: in illis verò theriaca quæcunq;, modò legitima, multum; lapis autem bezoar à gr.vj ad gr.xij in vehiculo convenienti propinatus, sudore item prolecto, plurimum juvat.

#### XL IV.

Si à nimia repletione vesiculæ exoriatur, purgantia superius memorata alternis, vel pro qualitate subjecti, ternis diebus sunt repetenda, Ictero verò à reliquis causis supra dictis prorumpente vel primariis morbis, quorum symptoma est, prospiciendum; vel certè prognosi derelinquendus.

#### XL V.

*Chirurgia.*

A' pharmaciâ ad Chirurgiam. In fonte chirurgico occurrit pri-



rit primò V. S. quæ admittenda est, corpore tamen priùs benè purgato, si obstructio viarum, calidiorque hepatis intemperies, inflammationis scilicet initium mali sit origo: secus si aliundè proveniat, nisi coindicantia rursùm suadeant: secari autem potest vel jecoraria, vel mediana dextri cubiti, neque tamen ultra evacuandum, quàm sanguinis copia indicet, & vires permittant.

#### XLVI.

Post V.S. sese insinuant balnea, præsertim deterforia, qualia parari possunt ex aquâ calidâ lupinis, hordeo, furfuribus, eruo, malvâ, chamemelo, &c. alteratâ frictiones item asperæ non inutiliter adhibētur, quia insensibiliter vacuant, præcipuè verò si inunctiones ex oleo anethino, Chamemelino, &c. admisto salis pauxillo superaddantur.

#### XLVII.

Tandem superest Diæta, quæ in recto sex rerum non naturalium usu consistit: quarum aër, qui non tantùm inspiratus, sed etiam transpiratus qualitate suâ nos immutat, primùm occurrit. Sit itaque purus & clarus, temperatus magis, quàm qualitate aliquâ manifestâ excedens; humidus tamen potius, & moderatè calidus, quàm frigidus & siccus.

#### XLVIII.

Cibus sit boni succi, facilis concoctionis & distributionis: quales sunt caro gallinarum, caponum, pullorum, perdicum, vitulorum, hædorum juniorum, &c. Inter olera borrago, buglossa, blitum, sonchus, & quandoque spinachia non improbatur, ova item conducunt forbilia.

#### XLIX.

Legumina verò cuncta prava sunt, cum salitis & dulcibus, cum lacticiiniis, & carnibus omnibus, quæ crassum & viscidum præbent alimentum, veluti sunt caro suilla, bubula, agnina, anserina, anatina, & omnium avium palustrium. Potus sit vinum superius descriptum chalibeatum, vel certè album, tenue & penetrans, non rubrum, austerum & meracissimum.



L.

Motu & quiete moderatè uti oportet , plùs ad quietem quàm ad motum inclinando, ne per motum, præsertim, vehementiorem, corpus magis incalescat, & ansa bilis copiosioris inde contingat.

LI.

Quantumvis etiam in somno & vigiliâ modus sit tenendus, tamè major conceditur hîc somno Licentia, ut scilicet per illum corpus humectetur, laudabiliterq; irroretur.

LII.

De excretis & retentis, quia sub hoc affectu laudabilia nunquam existunt, & pro varietate causæ affectus variantur, hîc nihil statuendum videtur.

LIII.

Animi verò pathemata ita moderanda sunt, ut læta magis quàm tristia sint, placida potiùs, quàm iracunda. Hæc de Ictero flavo in Universum ad Dei Ter Optimi Medici Maximi laudem & proximi salutem dicta sufficiant, qui plura desiderat practicos consulat.

F I N I S.

